

513 **D**ô was mîn hêr Gawan
 sô gezimiert ein man,
 daz ez si lêrte riwe,
 wande si heten triwe,
 5 die des boumgarten pflâgen.
 si stuonden oder lâgen
 oder sâzen in gezelten,
 die vergâzen des vil selten,
 sine klagetên sînen kumber grôz.
 10 man unt wîp des niht verdrôz,
 Genuoge sprâchen, den es was leit:
 »mîner vrouwen trûgeheit
 wil disen man verleiten
 ze grôzen arbeiten.
 15 ouwê, daz er ir volgen wil
 ûf alsus riwebæriu zil!«
 Manec wert man dâ gein im gienc,
 der in mit armen umbevienc
 durch vriwentlîch enpfâhen.
 20 dar nâch begunder nâhen
 einem ôlboume; dâ stuont daz pfert.
 ouch was maneger marke wert
 der zoum unt sîn gereite.
 mit einem barte breite,
 25 wol gevlohten unde grâ,
 stuont dâr bî ein rîter dâ
 über eine krûcken geleinet.
 von dem wart ez beweinet,
 daz Gawan zuo dem pferde gienc.
 30 mit sûezer rede ern doch enpfîenc.

in den g., *G (nur G)

wîp unde man *G (nur GI)
 den ez was *T

ez om. *T (nur TO)

*D: D *m: m *G: G I L Z *T: T U V O

1 Initiale D G I L Z O · Majuskel T 11 Majuskel D 17 Initiale T U V · Majuskel D 19 nicht ausgeführte Illustration O 23 Initiale I

7 sâzen] sæzen D 8 die] si (So m) *m 17 dâ] om. *m 22 ouch was] ez was (auch was ez I Daz was V) *m (I V) 23 sîn] daz *m I 27 krûcken] brücken *m (Z) 28 beweinet] geweinet *m